



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-959/2017
Dana, 18.05.2017. godine



SKUPŠTINA UNSKO-SANSKOG KANTONA

PREDMET: Prijedlog Zakona o uvjetima za rad Kantonalne bolnice, d o s t a v l j a s e;-

Na osnovu člana 120, 121. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Zakona o uvjetima za rad Kantonalne bolnice, uz sljedeće:

O b r a z l o ž e n j e


Vlada Unsko-sanskog kantona je na sjednici održanoj dana 18.05.2017. godine, razmatrala i utvrdila Prijedlog Zakona o uvjetima za rad Kantonalne bolnice, obrađivača Ministarstva zdravstva, rada i socijalne politike, te vam isti dostavljamo u dalju proceduru.

S obzirom da nije u pitanju složen i obiman Zakon, Vlada Unsko-sanskog kantona kao predlagač umjesto Nacrta Zakona podnosi Prijedlog Zakona i predlaže Skupštini Kantona da se Prijedlog Zakona o uvjetima za rad Kantonalne bolnice, pretresa po skraćenom postupku bez Nacrta.

PRILOG: - Prijedlog Zakona (6x)



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva zdravstva, rada i socijalne politike Unsko-sanskog kantona, Vlada Unsko-sanskog kantona na sjednici održanoj dana 18.05.2017. godine, d o n o s i:

ZAKLJUČAK

I

Utvrđuje se Prijedlog Zakona o uvjetima za rad Kantonalne bolnice, s tim da se isti prije upućivanja Skupštini Unsko-sanskog kantona na razmatranje po skraćenoj proceduri, uskladi sa sugestijama iznijetim na sjednici Vlade Unsko-sanskog kantona.

II

Ovaj Zaključak stupa na snagu danom donošenja.

Broj: 03-017-959/2017
Bihać, 18.05.2017. godine

PREMIJER KANTONA
mr.sc. Husein Rošić



Na osnovu člana 11.b), odjeljka A, poglavlja V i člana 3.b) poglavlja IV Ustava Unsko-sanskog kantona („Službeni glasnik Unsko-sanskog kantona“, broj: 01/04 i 11/04), a u vezi sa članom 100. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), Skupština Unsko-sanskog kantona, na _____sjednici, održanoj dana _____ donosi

NACRT ZAKONA O UVJETIMA ZA RAD KANTONALNE BOLNICE

I OSNOVNE ODREDBE

Član 1.

Ovim zakonom određuju se uvjeti i osnove za rad zdravstvene ustanove Kantonalna bolnica „Dr.Irfan Ljubijankić“ Bihać, osnovane Odlukom o zadržavanju prava i obaveza osnivača prema zdravstvenoj ustanovi Kantonalna bolnica „Dr.Irfan Ljubijankić“ Bihać („Službeni glasnik Unsko-sanskog kantona“, broj:9/98 i 18/12) (u daljem tekstu: Kantonalna bolnica).

Član 2.

(1) Na području Unsko-sanskog kantona može se osnovati samo jedna kantonalna bolnica.

II DJELATNOST

Član 3.

(1) Kantonalna bolnica se organizuje i radi na području Unsko-sanskog kantona u kapacitetima opće i specijalne bolnice, kao i kapacitetima koji su iznad opće i specijalne bolnice.

(2) Kantonalna bolnica obavlja djelatnost dijagnostike, liječenja, medicinske rehabilitacije i zdravstvene njege bolesnika, te osigurava boravak i prehranu bolesnika iz djelatnosti interne medicine, kirurgije, ginekologije, ortopedije, otorinolaringologije, urologije, oftalmologije, pedijatrije, te drugih specijalističkih i subspecijalističkih djelatnosti za koje ispunjava uvjete prostora, kadra i opreme, u skladu sa zakonskim i podzakonskim propisima.

Član 4.

(1) Kantonalna bolnica može obavljati samo zdravstvenu djelatnost koja je utvrđena rješenjem ministra Ministarstva zdravstva, rada i socijalne politike Unsko-sanskog kantona (u daljem tekstu: kantonalni ministar zdravstva), a u skladu sa osnivačkim aktom i ministra Federalnog ministarstva zdravstva (u daljem tekstu: federalni ministar zdravstva).

(2) Nadležnost kantonalnog i federalnog ministra zdravstva za donošenje rješenja o ispunjavanju uvjeta za obavljanje sekundarne i tercijarne zdravstvene zaštite, utvrđeni su federalnim propisima.

III UVJETI ZA RAD

Član 5.

(1) Uvjete za organizovanje i rad Kantonalne bolnice, iznad nivoa opće i specijalne bolnice, propisat će pravilnikom kantonalni ministar zdravstva, te će istim utvrditi:

a) uvjete prostora, opreme i kadra pojedinih medicinskih djelatnosti;

b) posteljne, dijagnostičke i druge uvjete koje treba ispunjavati Kantonalna bolnica;
c) uvjete i osnove unutrašnje organizacije (organizacionih jedinica) Kantonalne bolnice.

(2) Prilikom donošenja pravilnika iz stava (1) ovog člana, kantonalni ministar zdravstva može imenovati radnu grupu sačinjenu od stručnjaka iz oblasti zdravstva, koja će sudjelovati u izradi pravilnika.

(3) Kantonalna bolnica može obavljati i tercijarnu zdravstvenu zaštitu, pod uvjetima utvrđenim federalnim propisima iz oblasti zdravstva.

Član 6.

Sanitarno-tehnički i higijenski uvjeti, opći uvjeti za rad bolnice, te uvjeti za opću i specijalnu bolnicu propisani Zakonom o zdravstvenoj zaštiti („Službene novine Federacije BiH“, broj:46/10 i 75/13 i Pravilnikom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH“, broj: 26/12, 23/13, 90/13, 15/14, 82/14 i 83/15), primjenjuju se i na Kantonalnu bolnicu.

Član 7.

Na ispunjavanje uvjeta za rad Kantonalne bolnice iz člana 5. ovog zakona, primjenjuju se odredbe Zakona o zdravstvenoj zaštiti („Službene novine Federacije BiH“, broj: 46/10 i 75/13), Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama, Pravilnika o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite („Službene novine Federacije BiH“, broj:93/13), Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije BiH“, broj: 82/14 i 107/14), kao i drugih zakonskih i podzakonskih propisa donijetih u oblasti zdravstva.

IV NADZOR NAD PRIMJENOM OVOG ZAKONA

Član 8.

Nadzor nad primjenom ovog zakona vrši Ministarstvo zdravstva, rada i socijalne politike Unsko-sanskog kantona.

V ZAVRŠNE ODREDBE

Član 9.

U roku od 60 dana od dana stupanja na snagu ovog zakona, kantonalni ministar zdravstva donijet će provedbeni propis iz svoje nadležnosti.

Član 10.

Ovaj zakon stupa na snagu narednog dana od dana objavljivanja u „Službenom glasniku Unsko sanskog kantona“.

Bihać, _____

Predsjedavajući Skupštine USK

Broj: _____

Nijaz Hušić, profesor

OBRAZLOŽENJE

I – PRAVNI OSNOV

Pravni osnov za donošenje Zakona o uvjetima rada Kantonalne bolnice sadržan je u članu 11.b), odjeljka A, poglavlja V i članu 3.b) poglavlja IV Ustava Unsko-sanskog kantona („Službeni glasnik Unsko-sanskog kantona“, broj: 01/04 i 11/04).

Skupština Kantona donosi zakone iz svoje nadležnosti.

U nadležnosti kantona je utvrđivanje i provođenje politike iz oblasti zdravstva, koja se ostvaruje putem podijeljene nadležnosti između Federacije BiH i kantona, kao i reguliranja i osiguranja javnih službi.

Članom 100. stav 1. Zakona o zdravstvenoj zaštiti („Službene novine Federacije BiH“, broj: 46/10 i 75/13) propisano je da se za područje jednog ili više kantona može organizirati kantonalna bolnica koja, pored uslova predviđenih za opću i specijalnu bolnicu, ispunjava posteljne, dijagnostičke i druge uslove utvrđene kantonalnim zakonom.

II - RAZLOZI ZA DONOŠENJE

Članom 100. Zakona o zdravstvenoj zaštiti propisano je da se za područje jednog ili više kantona može organizirati kantonalna bolnica koja, pored uslova predviđenih za opću i specijalnu bolnicu, ispunjava posteljne, dijagnostičke i druge uslove utvrđene kantonalnim zakonom.

Također, članom 134. stav 2. Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH“, broj: 26/12, 23/13, 90/13, 15/14, 82/14 i 83/15), propisano je da se uvjeti prostora, kadra i opreme za kantonalnu bolnicu uređuju kantonalnim propisom na osnovu člana 100. Zakona o zdravstvenoj zaštiti. Naime, uvjeti za bolnicu utvrđeni su članovima 97.-105. Zakona o zdravstvenoj zaštiti. Bliži uvjeti za organiziranje zdravstvenih ustanova tipa bolnica propisani su i Pravilnikom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama, kao i Pravilnikom o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite („Službene novine Federacije BiH“, broj: 93/13).

S toga, neophodno je donošenje zakona na kantonalnim nivou, kojim će biti propisani uvjeti za obavljanje djelatnosti kantonalne bolnice, odnosno kojim će se iz praktičnih i ekonomskih razloga, nadležnost za utvrđivanje uvjeta prenijeti na kantonalnog ministra zdravstva.

Donošenjem zakona omogućit će se da bolnica dobije rješenje za sekundarnu djelatnost koju vrši, kao i da pokrene postupak verifikacije kod Federalnog ministarstva zdravstva za obavljanje usluga iz tercijarnog nivoa zdravstvene zaštite.

Utvrđivanje uvjete prostora, opreme i kadra pojedinih medicinskih djelatnosti, zatim, posteljnih, dijagnostičkih i drugih uvjeta koje treba ispunjavati Kantonalna bolnica, te utvrđivanje uvjeta i osnova unutrašnje organizacije (organizacionih jedinica) Kantonalne bolnice, predstavlja sadržaj koji je podložan čestim promjenama.

Da se zbog tih čestih promjena, ne bi morao mijenjati zakon, iz razloga praktičnosti i ekonomičnosti postupljeno je na način da se ovim zakonom prenese ovlaštenje za utvrđivanje uvjeta, na kantonalnog ministra zdravstva. Prenos nadležnosti vrši se zakonom, a u prilog tome govori i mišljenje Federalnog ministarstva zdravstva, kao i mišljenja eminentnih pravnih stručnjaka u našoj zamlji. Konačno, takvo rješenje postoji na nivou Federacije BiH, gdje su pravilnicima federalnog ministra zdravstva propisani uvjeti za primarnu zdravstvenu zaštitu, bolničku djelatnost (opću i specijalnu bolnicu), tercijarnu bolničku i vanbolničku zdravstvenu zaštitu, kao i za privatne zdravstvene ustanove i privatnu praksu.

III - OBRAZLOŽENJE PRAVNIH RJEŠENJA

U Poglavlju I – OSNOVNE ODREDBE, definisano je šta se propisuje ovim Zakonom, na koga se isti primjenjuje, te da se na području Unsko-sanskog kantona može organizirati samo jedna kantonalna bolnica.

U Poglavlju II DJELATNOST, utvrđeno je da se Kantonalna bolnica organizuje i radi na području Unsko-sanskog kantona u kapacitetima koji su iznad opće i specijalne bolnice, kao i djelatnosti koje obavlja, te da se zdravstvena djelatnost može obavljati ukoliko je utvrđena rješenjem nadležnog ministra (federalnog ili kantonalnog).

U Poglavlju III UVJETI ZA RAD, propisano je da će uvjete za organizovanje i rad Kantonalne bolnice, iznad nivoa opće i specijalne bolnice, propisati pravilnikom kantonalni ministar zdravstva. Takvo rješenje za Kantonalnu bolnicu ja ujednačeno sa onim na nivou Federacije BiH, koje postoji za primarnu zdravstvenu zaštitu, bolničku djelatnost (opću i specijalnu bolnicu), tercijarnu zdravstvenu zaštitu-bolničku i vanbolničku, kao i za privatne zdravstvene ustanove i privatnu praksu.

Utvrđeno je i da kantonalni ministar zdravstva može formirati radnu grupu sačinjenu od eminentnog medicinskog i nemedicinskog kadra, koja će sačiniti prijedlog pravilnika, te istim utvrditi uvjete za rad pojedinih medicinskih disciplina koje se obavljaju u bolnici. Bolnica može obavljati i tercijarnu zdravstvenu zaštitu pod uvjetima utvrđenim federalnim propisima iz oblasti zdravstva. Navedeni su i propisi koji se odnose na rad Kantonalne bolnice.


U Poglavlju IV NADZOR NAD PRIMJENOM OVOG ZAKONA, utvrđeno je da Nadzor nad primjenom ovog zakona vrši Ministarstvo zdravstva, rada i socijalne politike Unsko-sanskog kantona.

U Poglavlju V ZAVRŠNE ODREDBE, ostavljen je rok od 60 dana od dana stupanja na snagu ovog zakona u kojem je kantonalni ministar zdravstva dužan donijeti podzakonski propis iz svoje nadležnosti (pravilnik).

Obzirom da propisi ne mogu stupiti na snagu prije nego se objave, propisano je da ovaj zakon stupa na snagu narednog dana od dana objavljivanja u „Službenom glasniku Unsko sanskog kantona“.

IV FINANSIJSKI EFEKTI

Ovaj zakon nema uticaj na Budžet Unsko-sanskog kantona, ali može imati pozitivne učinke na rad i poslovanje ZU Kantonalna bolnica „Dr.Irfan Ljubijankić“ Bihać u narednim godinama.



(„Službene novine Federacije BiH“, broj 46/10)¹

Na osnovu člana IV.B.7 a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O ZDRAVSTVENOJ ZAŠTITI

Proglašava se Zakon o zdravstvenoj zaštiti koji je donio Parlament Federacije BiH na sjednici Predstavničkog doma od 25. maja 2010. godine i na sjednici Doma naroda od 22. juna 2010. godine.

Broj 01-02-430/10
30. jula 2010. godine
Sarajevo

Predsjednica
Borjana Krišto, s. r.

ZAKON

O ZDRAVSTVENOJ ZAŠTITI

I. OSNOVNE ODREDBE

Član 1.

Ovim zakonom uređuju se načela, mjere, način organizovanja i provođenja zdravstvene zaštite, nosioci društvene brige za zdravlje stanovništva, prava i obaveze lica u korištenju zdravstvene zaštite, te sadržaj, način obavljanja i nadzor nad obavljanjem zdravstvene zaštite na teritoriji Federacije Bosne i Hercegovine (u daljnjem tekstu: Federacija).

Član 2.

Zdravstvena zaštita, u smislu ovog zakona, obuhvata sistem društvenih, grupnih i individualnih mjera, usluga i aktivnosti za očuvanje i unapređenje zdravlja, sprečavanje bolesti, rano otkrivanje bolesti, blagovremeno liječenje, te zdravstvenu njegu i rehabilitaciju, kao i primjenu zdravstvenih tehnologija.

Zdravstvenu zaštitu iz stava 1. ovog člana, u okviru zdravstvenih ustanova i privatnih praksi, pružaju zdravstveni radnici i zdravstveni saradnici, primjenom savremenih medicinskih postupaka i tehnologija, te praćenjem dostignuća u razvoju medicinske nauke.

Član 3.

Svako lice ima pravo na zdravstvenu zaštitu i na mogućnost ostvarivanja najvišeg mogućeg nivoa zdravlja, u skladu s odredbama ovog zakona i Zakona o zdravstvenom osiguranju, kao i propisa donijetih na osnovu ovih zakona.

¹ Zakon objavljen 02.08.2010. godine

Bolnica je zdravstvena ustanova koja obavlja djelatnost dijagnostike, liječenja, medicinske rehabilitacije i zdravstvene njege bolesnika, te obezbjeđuje boravak i prehranu bolesnika.

Djelatnost iz stava 1. ovog člana obavlja se u opštim, specijalnim, kantonalnim i u univerzitetskim-kliničkim bolnicama.

Član 98.

Opšta bolnica je zdravstvena ustanova koja obavlja najmanje djelatnosti hirurģije, interne medicine, pedijatrije, te ginekologije i porodajnog i ima posteljne, dijagnostičke i druge mogućnosti prilagođene svojoj namjeni.

Izuzetno, opšta bolnica iz stava 1. ovog člana može obavljati i tercijarnu zdravstvenu zaštitu iz djelatnosti za koju je registrovana, ako ispunjava uslove za tercijarnu zdravstvenu zaštitu utvrđene ovim zakonom, kao i propisima donijetim na osnovu ovog zakona, te ako je za obavljanje ove djelatnosti verifikovana od Federalnog ministarstva.

Član 99.

Specijalna bolnica je zdravstvena ustanova za specijalističko-konsultativno i bolničko liječenje određenih bolesti ili određenih dobrih grupa stanovništva, koja osim uslova iz člana 102. ovog zakona ima posteljne, dijagnostičke i druge mogućnosti prilagođene svojoj namjeni.

Izuzetno, specijalna bolnica iz stava 1. ovog člana može obavljati i tercijarnu zdravstvenu zaštitu iz djelatnosti za koju je registrovana, ako ispunjava uslove za tercijarnu zdravstvenu zaštitu utvrđene ovim zakonom, kao i propisima donijetim na osnovu ovog zakona, te ako je za obavljanje ove djelatnosti verifikovana od Federalnog ministarstva.

Za područje jednog ili više kantona može se organizovati i kantonalna bolnica koja, pored uslova predviđenih za opštu i specijalnu bolnicu, ispunjava posteljne, dijagnostičke i druge uslove utvrđene kantonalnim zakonom.

Izuzetno, kantonalna bolnica iz stava 1. ovog člana može obavljati i tercijarnu zdravstvenu zaštitu iz djelatnosti za koju je registrovana, ako ispunjava uslove za tercijarnu zdravstvenu zaštitu utvrđene ovim zakonom, kao i propisima donijetim na osnovu ovog zakona, te ako je za obavljanje ove djelatnosti verifikovana od Federalnog ministarstva.

Član 100.

Univerzitetska-klinička bolnica je bolnica koja obavlja tercijarnu zdravstvenu zaštitu iz više od polovine registrovanih specijalističkih djelatnosti, stručno usavršavanje, dodiplomsku i postdiplomsku nastavu, kao i naučnoistraživački rad za djelatnosti za koje je osnovana.

Organizacioni dijelovi bolnice iz stava 1. ovog člana su klinike koje obavljaju tercijarnu zdravstvenu zaštitu iz određenih specijalističkih djelatnosti, stručno usavršavanje, dodiplomsku i postdiplomsku nastavu, kao i naučnoistraživački rad za djelatnosti za koje je osnovana.

Odredbе čl. 104. i 105. ovog zakona koje se odnose na sticanje naziva univerzitetska bolnica, shodno se primjenjuju i na univerzitetske-kliničke bolnice iz stava 1. ovog člana.

Član 101.

Bolnica mora u svom sastavu imati, najmanje, jedinice za:


- specijalističko-konsultativnu djelatnost
- radiološku, laboratorijsku i drugu dijagnostiku
- anesteziju i reanimaciju.

OBRAZAC IZJAVA O FISKALNOJ PROCJENI

Obrazac IFP NE

Zakodjat	KOD	NAZIV				
	17	Ministarstvo zdravstva, rada i socijalne politike Unsko-sanskog kantona				
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ZAKON O UVJETIMA ZA RAD KANTONALNE BOLNICE					

Ovim Zakonom ne stvaraju se finansijske obaveze u Budžetu Unsko-sanskog kantona. Zakon će imati pozitivne efekte u budućnosti na rad i poslovanje Kantonalna bolnica obzirom da će biti u mogućnosti za obavljanje novih zdravstvenih djelatnosti povući više novca za finansiranje zdravstvene zaštite



OBRAZAC IZJAVA O FISKALNOJ PROCJENI

Obrazac IFP NE

Razdjel	17	KOD	NAZIV			
			Ministarstvo zdravstva rada i socijalne zaštite			
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ZAKON O UVJETIMA ZA RAD KANTONALNE BOLNICE					

Ovim Zakonom ne stvaraju se finansijske obaveze u Budžetu Unsko-sanskog kantona. Zakon će imati pozitivne efekte u budućnosti na rad i poslovanje kantonalne bolnice, obzirom da će biti u mogućnosti za obavljanje novih zdravstvenih djelatnosti povući više novca za finansiranje zdravstvene zaštite.

Official stamps and handwritten signature of the Ministry of Health, Labour and Social Protection of the Unsko-Sanska Canton.



Broj: 04 - 02 - 1289 - 6/17
Bihać, 24.04.2017. godine

- Ministarstvo zdravstva, rada
i socijalne politike USK

PREDMET: Mišljenje o fiskalnoj procjeni, dostavlja se;
Veza, Vaš akt broj : 04-02-1289-5/17 od 14.04.2017. godine

U vezi Vašeg akta, broj i datum gornji, a u kojem tražite mišljenje na Nacrt Zakona o uvjetima za rad Kantonalne bolnice, ukazujemo na sljedeće:

Shodno članu 25. stavu 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" brojevi 12,3/14 i 11/14), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 2 stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16), obrađivač propisa i akata planiranja izradu izjave o fiskalnoj procjeni prilikom izrade tih propisa i akata koje Vlade Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo zdravstva, rada i socijalne politike Unsko-sanskog kantona je Ministarstvu finansija dostavilo Nacrt Zakona o uvjetima za rad Kantonalne bolnice s obrazloženjem, zajedno sa izjavom o fiskalnoj procjeni, na propisanom obrascu (ovjeren i potpisan od strane ovlaštene osobe: Obrazac (EP-NE). U istom navode da : "Ovim Zakonom ne stvaraju se finansijske obaveze u Budžetu Unsko-sanskog kantona. Zakon će imati pozitivne efekte na rad i poslovanje Kantonalne bolnice, obzirom da će biti u mogućnosti za obavljanje zdravstvenih djelatnosti povući više novaca za finansiranje zdravstvene zaštite". Takođe obrađivač akta je naveo: " Da neće biti ni opterećenja Finansijskog plana Kantonalne bolnice "Dr.Irfan Ljubijankić " Bihać u narednim godinama".

Napominjemo da je odgovornost na obrađivaču akta ako nije postupio u skladu sa članom 8. Zakona o budžetima u Federaciji Bosne i Hercegovine, odnosno u skladu s članom 6. i članom 7. stav (1) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet.

S poštovanjem,

Z.Z/A.S

Dostavljeno:

1. Naslovu
2. Ministarstvu finansija
3. a/a

